

欽定剿平三省邪匪方略

正編

九

二

卷之四

四

四



欽定剿平三省邪匪方略正編卷二百九

庚申年

十月十二日

辛酉

額勒登保奏言據楊遇春等呈

報帶兵追截賊匪於九月二十二日黎明至安

康縣屬之麻柳壩見民房外有白旗數桿騾馬

數十匹隨即分兵兜圍屋內之賊時矛四出悉

數殲擒共計五十一人訊之活賊始知俱係賊

探在彼歇息造飯據稱馬五王廷詔冉學勝張

世龍等股合夥人數衆多在銀硃壩一帶屯紮

徐添德一股又在鐵爐壩相隔約二十餘里楊

遇春與格布舍豐紳喜明等會商將馬步兵勇

分爲三路又知會總兵馬玉魁帶領官兵並原

任總兵遊擊長春覓道截斷鐵爐壩之路就近

先向銀硃壩剿殺午間趕至銀硃壩山梁果見

順溝十餘里內俱係賊匪我兵抄前斷後並從



中下壓該匪始猶鳴鑼號召經巴圖魯侍衛將  
領等率兵衝入立斃賊匪二百餘名賊隨順溝  
翻山奔逃隨處兜截緊追二十餘里直至吳家  
河沿途斃賊約四百餘人先後生擒男婦五百  
七十餘名口時已傍晚且山勢過大不能再進  
甫經駐營探報鐵爐壩有分出之賊已遇馬玉  
魁等接仗楊遇春與格布舍趕撥馬步兵七百

集三卷之三  
餘名策應賊匪折奔趕殺八十餘名將及初更

馬玉魁等亦卽歸營於獲賊內訊出大頭目郭

合左清明李其舉柯如德四名令將首級指認

又查出僞副元帥徐二貓大頭目張誠詹如貴

首級郭合等僉供此股賊匪元帥係馬五老掌

櫃係王廷詔并有冉學勝張世龍前來合夥所

殺之徐二貓卽係馬五老之副帥我等是大頭目



徐添德昨在深溝與馬五等會見囑令在前行  
走伊在後抄截官兵所以尙在鐵爐壩其餘訊  
出實在賊匪二百三十三名已同郭合等悉行  
正法附近被擄之人概行釋放楊遇春一面由  
安康一帶趕剿馬五王廷詔等賊一面知會恒  
瑞額勒亨額等探蹤抄擊西竄之賊嗣又據額  
勒亨額報稱二十四日賊由芭蕉口竄出該副

都統率兵趕剿斃賊五十餘人拏獲鄭德平等

十七名訊係楊遇春等剿敗之賊已從西遁有

奔雙和塘一帶之勢額勒等額帶兵仍防守原

卡並接據恒瑞札稱二十四日晚在雙河溝口

紮營有賊一股撲近營盤恒瑞同綸布春等出

營迎擊斃賊三十餘名賊卽奔竄天晚不能趕

擊探得北股賊匪向全河口而去是夜整兵於



二十五已刻趕抵全河賊之躡淺過河者已有  
大半恒瑞同綸布春九十等緊跟追擊斃賊一

百餘名緊追過河翻越兩重大山又斃賊八十

餘名生擒唐國安龔文貴等三十七名訊出探

馬頭王貴據供此股賊匪係湖北竄來之徐添

德并有馬五營內剿潰之賊在內當俱正法該

匪現從星子山逃竄恒瑞帶兵由箭桿山巴山

林一帶抄剿又據溫承惠稟稱上月二十日龍  
紹周股匪由金雞坪一帶翻化龍山東竄該司  
帶領兵勇由曾家壩白沙河等處攔截該匪由  
謝家灣竄來守備王英等帶勇趕剿鎗斃賊匪  
五十餘名賊匪慌亂過河淹斃者甚多餘匪四  
散二十四日帶勇至文彩溝賊衆竟來迎拒千  
總銜李連貴率勇持矛衝殺斃賊二名賊匪過



衆身受矛傷七處陣亡鄉勇亦有傷亡溫承惠  
同王英等督勇奮力趕擊賊匪始退追殺十餘

里斃賊六七十名該司恐此一帶東南有通竹

谿之路現往攔截又據劉之仁稟報二十六日

探有伍逆餘黨八九百人由寧陝廳之火地嶺

奔入銀杏壩銅錢峽等處該鎮恐賊東竄卽於

江岸抽調官兵四百七十餘名同候補叅將普

德趕赴池河松樹壩迎頭截擊仍飭江岸各卡  
加意嚴防孰料該匪知後有官兵追擊捨命狂  
奔該鎮已截其東去之路賊匪全行折回柳溪  
徑出江岸該鎮翻山由九店埡跟剿二十七日  
黎明在途次接據探報賊匪於二十七日四更  
時竄至長尾溝突撲柳溪江岸營卡遊擊李有  
貴鎗斃並發賊匪又轉向後山齊執火炬下壓



燃燒卡房李有貴黑暗之中帶兵搶上山梁率  
兵放鎗抵禦賊匪乘間搶過江之南岸李有貴  
右手帶有矛傷兵勇間有傷亡實因防江之兵  
已經抽出一時不能截住迨至該鎮二十八日  
趕到並候補通判雒昂率勇到時賊已遠遁該  
鎮現仍在江岸嚴堵等情查曾芝秀闖入南山  
時人數原屬無多恐有滋蔓且慮南山有賊引

線西紫之賊不無覬覦過江是以於長麟督率

汪啟等追剿之外臣又派令慶成率兵二千餘

名由城洋一路前去抄截乃該匪狂奔疾走於

追兵未到之先竟思東竄幸劉之仁於江岸抽

兵攔截賊於黑夜奪路過江守卡兵單未能痛

殺亦屬實情該匪於三十日逃赴王黑壩大石

川向南晝夜竄遁而南山已經肅清官兵庶無



牽綴臣已分檄楊邁春等卽行乘勝於安康界

內會同慶溥上緊趕擊而溫承惠平利一路所帶只係鄉勇亦經飭知不在貪擊賊匪而在杜其竄楚之路又查穆克登布與觀祥等所剿之伍懷志及零星餘匪已經合夥所剩不過千餘人先據該鎮等具報在畧陽附近搜剿日內未接稟報復飛飭上緊分投兜截務於數日內剿

竣斷不許再有延蔓計日下紫陽安康一帶之

賊較重

臣

必須親往督率剿辦方爲有濟是以

臣

卽帶同札克塔爾白城固之二郎壩起程初

三日已抵西鄉之柳樹店但思南鄭寧羌一帶

防堵不密倘各股賊匪又經被剿折回則勢又

散漫且此時防堵之處非比從前之道路綿亘

臣

一面飛行知會長麟定住等卽各帶原兵前



來酌量安設聞慶成業已過江倘數日內長麟  
不能趕到慶成前來卽將一切堵剿應辦事宜  
告知慶成以便與長麟會商安設卡隘嚴加堵  
禦務絕賊匪折竄之路至臣深入紫陽安康等  
處仰仗

天威能將各匪全行剿淨更爲欣幸倘有餘股或致

竄楚或致入川

臣

臨時惟當權其緩急輕重酌

量辦理總之目下賊勢實形殘敗聚則方爲大  
股散則無非小股而且著名頭目東遁西逃或  
在此股或在彼股亦無定向此時各路領兵人  
員亦不在急獲頭目惟能人人出力遇賊緊剿

黨與旣淨頭目亦難獨存

臣躬膺

任使惟當策勵各路大小官員嚴明賞罰俾共圖迅  
速蕝事再本年二月內總兵多爾濟扎普在三



岔河陣亡所有隨同陣亡各員臣謹查明開單

奏口請

旨賜卹奏入

上命軍機大臣傳諭額勒登保曰此次額勒登保分  
飭楊遇春等剿辦馬五王廷詔冉學勝張世龍合  
夥賊匪多有斬獲又恒瑞綸布春等迎擊徐添德  
及馬五營內剿潰之賊亦有殲擒其龍紹周一股

亦經溫承惠奮力趕擊截住賊匪竄往竹谿之路  
合計各路殲斃擒獲賊匪共有一千六百餘名所

辦俱屬認真可嘉著賞給額勒登保黃面貂皮馬

褂一件楊遇春烏雲豹馬褂一件札克塔爾舒倫

馬褂一件慶成天馬馬褂一件並發去一兩重銀

牌五百面五錢重銀牌五百面分賞打仗出力官

兵以示獎勵至所稱伍逆餘黨曾芝秀一股竄過



漢江南岸南山已經肅清此實意外之喜南山一

帶向爲賊匪逋逃之藪該處山逕險仄林深箐密

官兵入山搜捕甚爲費力且恐爲所牽綴今於慶

成等未到之先該匪狂奔疾走欲思東竄經劉之

仁抽兵攔截賊匪於黑夜奪路過江劉之仁雖不

能截住殲擒然不令其直前東竄逼過漢南功過

足以相抵至遊擊李有貴於曾芝秀突撲柳溪江

岸營卡時施放鎗礮賊匪轉向後山下壓李有貴  
於黑暗中帶兵搶上山梁賊匪乘間搶過漢江南  
岸李有貴實因防江之兵已經抽出一時不能截  
住該遊擊又帶有矛傷尙非畏縮者可比劉之仁  
李有貴尙可免其治罪此時該鎮等仍在江岸防  
堵江水日見淺涸賊匪既可南竄亦可北竄倘南  
竄之賊復令北竄過江則劉之仁李有貴疎縱之



罪甚大著額勒登保傳知該鎮等令其實力嚴防  
不得稍有疎虞致干罪戾日下紫陽安康一帶賊  
匪較多額勒登保帶同札克塔爾取道西鄉前往  
督辦所見甚是其南鄭寧羌一帶額勒登保已咨  
會長麟定住等各帶原兵前來酌量設卡並令慶  
成與長麟會商妥辦調度悉合機宜額勒登保當  
知會長麟定住慶成於陝省西南一帶分設卡隘

嚴密防禦務絕賊匪折竄之路至沿江一帶現屆  
冬令水落之時尤應加意嚴防勿任賊匪躡淺偷  
渡北岸又據稱現在賊勢日形殘敗著名頭目東  
遁西逃亦無定向各路領兵人員不在急獲頭目  
惟能遇賊緊剿黨與已淨頭目亦難獨存等語尤  
爲扼要之論前此領兵大員總以擒獲一二首逆  
希冀邀功置餘匪於不辦以致敗逃之賊仍推一



入爲首裹脅蔓延又成大股數年以來未能蕩平

教匪實由於此若將賊匪黨與殲淨則首逆勢孤

何難卽時就獲此等機宜朕已屢經降旨通諭軍

營今額勒登保遵照妥辦已操勝筭此時額勒登

保帶同札克塔爾親往紫陽安康一帶督剿聲威

壯盛想此等殘敗賊匪無難一鼓殄除額勒登保

務於年內將各股賊匪悉數殲擒奠安黎庶伊等

早成一日之功朕亦早減一日之過但額勒登保

又不可因欲迅速蕝事辦理稍有草率務使餘孽

勿至復萌地方永臻寧謐方爲盡善至賊匪見官

兵勢盛圍剿日逼自知不能逃竄相率乞降冀延

殘喘其有臨陣棄械投誠悔罪者自當予以一綫

生路然當此大兵痛剿之時成功在卽斷不可先

存招撫之見總當以剿爲主俟賊匪畏懼懾伏實



心投順再行議撫方爲正辦昨長齡奏在洵陽地方迎擊高二馬五一股賊匪獲有勝仗已降旨諭知額勒登保不必派員迎調吉林黑龍江勁兵仍令長齡帶領與慶溥溫承惠併力合剿高二馬五一股賊匪此時楊遇春亦已帶兵追躡若將此股兇悍賊匪悉數殲除其餘剿辦更易爲力看來紫陽安康各股賊匪勢已窮蹙非東竄入楚卽南竄

入川額勒登保大兵一到能將各股卽於陝境剿  
盡實所深望否則與其令賊入楚毋寧令賊入川  
楚省兵力無多明亮年已衰老倭什布帶兵亦難  
倚恃恐賊匪一經竄楚又致蔓延棘手川省有德  
楞泰勒保大兵在彼賊匪竄合一處兩面夾擊正  
可聚而殲洗總在額勒登保斟酌機宜妥爲調度  
再摺內稱穆克登布與觀祥等所剿伍懷志及零



星餘匪日內未接稟報想未得手此等零星竄敗  
之賊易於剿捕穆克登布等在畧陽附近搜剿何  
以日久尙未殲盡著額勒登保嚴飭迅速剿辦不  
可再有遲緩所有文彩溝打仗陣亡之千總銜李  
連貴著咨部賜卹

同日

上諭內閣曰額勒登保奏查明本年二月內隨同總

兵冬爾濟札普等在三分河陣亡各員請旨議卹  
著照所請驍騎校部委佐領阿爾松阿瑚可慎領  
催部委防禦富克金布阿達那協領那全佐領那  
敏全福防禦倭克濟那協領盛柱防禦世襲雲騎  
尉德昌驍騎校南山拴柱薩勒杭阿前鋒藍翎委  
官佛爾果布叅將郭承緒都司劉振邦守備馬昌  
傑趙天相宋顯玉千總陸喜把總朱宗貴李永田



繼秀俱著交部議卹

同日姜晟奏言臣接准倭什布來咨川匪已由

房竹邊界洪坪馬鬃嶺竄往四川大寧境內所

有房縣邊境陰條嶺五墩子年旺壁馬鬃嶺等

處經倭什布就近分派將弁兵丁嚴行堵守臣

一面諄飭該府縣等此時邊境肅清正當趕緊

團結練勇著落首領分別管帶訓練造具清冊

無事則各安本業設有鄰境殘氛逼近一呼雲  
集分防堵剿到卡之日給與口糧以本地之勇  
防本地之邊自必倍常得力至二竹與陝省平  
利洵陽交界處所賊股紛紛竄近現在鄖陽府  
王正常督同該縣及營員等厚集練勇協同防  
兵固守聞長麟於初三日前抵洵陽又接陝省  
藩司溫承惠來稟與守備王英奮力夾擊似各



匪距楚較遠臣定於初十日起身由鄖陽查勘

以至竹谿俟取次勘明應如何籌辦邊防之處

奏請

聖明訓示辦理奏入

上命軍機大臣傳諭姜晟曰據奏接准倭什布來咨  
川匪已由房竹邊界竄往四川大寧境內二竹與  
陝省平利洵陽交界處所賊股紛紛竄近等語此

時川匪既經明亮等追剿出境川省又無後來之  
賊明亮自必帶兵趕赴大寧剿辦更可無慮賊匪  
折回滋擾是房縣邊境業已肅清惟該省二竹與  
陝省平利洵陽在在毗連昨高二馬五卽欲由平  
利大貴坪東奔經長齡帶領吉林黑龍江勁旅痛  
加截擊殲戮多名長齡恐賊匪由白河之鮑家店  
竄入楚省之黃龍灘已飛咨倭什布就近嚴防是



此一股賊匪較多奔竄靡常二竹邊防最關緊要  
姜晟業經預爲籌備所辦尙是前此該督將續收  
落後粵兵七百餘名已交總兵德昌帶往二竹防  
守川匪現又出境倭什布孫清元並無剿捕之事  
亦可會同經理姜晟等務須擇要設卡督率文武  
嚴密防範斷不可使陝匪一名闖入姜晟係該省  
總督俟將二竹邊防籌辦妥協仍當回省辦理地

方事務

同日台布奏言

臣

前因大兵分剿各股竄匪城

洋西石一帶糧運最關緊要分派道府督率州

縣間段存貯以便隨營接濟

臣

復親自巡查催

饋行抵二郎壩值額勒登保福寧前來當卽詣

營面商適奉

諭旨令

臣

前赴西寧

臣

查大兵分剿正在喫緊之時



鹽菜等項均係刻不容緩新任撫臣陸有仁到

漢尚須時日

臣

自應將各路鹽糧妥爲安頓再

行起程惟現在漢局存項不敷支放不得不酌

量緩急通融散給是以將各路鹽菜截至九月

底止悉數找清餘銀二萬兩交與額勒登保軍

營作爲十月分鹽菜仍飛催西安省局一俟晉

餉入境立即撥解漢中應用此外各州縣應領

運脚採買等項銀兩臣本係逐款查核前後牽

扯給發興安府各屬至七月底止應找銀十四

萬二千餘兩漢中各屬至八月底止應找銀八

萬八千餘兩計兩府十七州縣通共未發銀二

十三萬餘兩又湖廣米價運脚銀兩業經該省

移催均可俟後餉解到陸續覈發不致貽誤至

於兵糧江楚十一萬石俱已次第抵興臣亦已



分撥城固洋縣西鄉石泉漢陰安康紫陽等廳  
縣存貯備供足敷散放奏入

上命軍機大臣傳諭陸有仁曰台布奏安頓各路糧  
餉一摺據稱各路鹽菜銀兩截至九月底止悉數  
找清此外各州縣應領運腳採買等項及湖廣米  
價運腳銀兩均可俟後餉解到陸續核發不至遲  
悞其兵糧亦已分撥城固等廳縣存貯備用足敷

散放等語台布自辦理糧餉以來奏報情形頗形  
竭蹶此次奏到之摺雖據稱足敷支放但恐台布  
因業經交卸故爲此言著陸有仁將現在陝省所  
存餉銀若干及山西節次續撥若干又甘省現已  
無賊存剩銀兩歸入陝省軍需者尙有若干一併  
詳細確查通盤合計足敷幾月之用是否年內無  
須再撥卽行據實覆奏不可稍有隱飾朕於各路



軍餉隨時撥發從不稍有吝惜陸有仁甫經出京  
於內帑情形自所深悉此時大功將次告竣各路  
官兵分剿正當喫緊之際一切軍火糧餉更當源  
源接濟陸有仁務須悉心籌畫樽節備用勿致稍  
有缺乏

台布又奏言據石泉縣知縣李樞煥於縣屬保  
安寨盤獲逆犯李正祥一名訊據供係賊目王

萬禮徒弟本年三月內從張家營起事後又會

合戴家營高馬等逆屢次與官兵接仗因傷害

札總兵王萬禮將伊封爲元帥等語將該犯解

赴漢中臣親提嚴訊逐一供認不諱臣查該犯

跟隨賊目王萬禮屢次抗拒官兵又復戕害總

兵大員實屬罪大惡極審明後恭請

王命飭委漢中府知府趙洵署漢中協副將馬斌將



該犯綁赴市曹寸磔梟示並設扎勒杭阿靈位  
剗取該犯心肝設祭致奠以慰忠魂奏入報

聞

十三日壬戌長麟奏言臣於前月二十日自楊家

店起程鼓勵官兵由斜峪子午峪一帶兼程疾

馳至大峪口接據探報曾芝秀股匪業已竄過

五郎金雞河直向東趨德忠在後跟剿汪啟已

由子午峪內之夾嶺小路抄赴鎮安截擊等語  
查金雞河距鎮安不遠該匪奔竄迅速倘賊匪  
逸過鎮安則汪啟德忠兩路官兵均落賊後現  
在東西並無防兵該匪或由秋林川竄向東南  
卽達楚界或由舊縣關竄向東北卽通豫省所  
關均屬緊要臣卽由大峪口趕至藍田抄赴商  
州扼住東面要路探聽賊蹤又由金雞河斜趨



南路石泉縣屬之梧桐溝鐵爐壩一帶狂奔距

東路稍遠

臣

卽帶兵由商州山陽馳赴鎮安向

西南迎剿維時汪啟業經抄至鎮安之雲蓋寺

德忠亦覓捷徑抄至鎮洵交界之界牌石兩河

關等處均已抄至賊前扼要堵截適額勒登保

復派慶成及候補通判雒昂帶領兵勇由城固

洋縣入山緊追前來

臣

亦趕至秋林川探蹤截

剿詎該匪見四路官兵扼住要隘無路奔逃卽於二十七日由澗溝一帶連夜竄至石泉縣之梅湖江岸時總兵劉之仁遊擊李有貴聞信卽於五鼓發兵二十八日黎明趕至梅湖該匪正在試探江水淺深一見官兵卽捨命撲水由淺灘處所紛紛躡渡李有貴催兵趕殺施放鎗礮擊斃賊匪百餘人餘匪搶過漢江南岸四散奔



逃查該匪竄過南岸黑溝地方東可由牛市川  
入紫陽南可由麥子坪入西鄉現在慶成及雒  
昂均已先後跟追過江汪啟德忠亦探蹤追剿  
前往計此股賊匪自前月十三日竄過棧道遁  
入南山因官兵追截甚緊該匪晝伏老林夜出  
奔走旬餘卽逼過漢江該匪無搶掠裹脅之暇  
是以居民尚未過遭蹂躪至穆克登布等所剿

伍懷志賊匪前在畧陽碓窩石地方已與觀祥  
游棟雲所剿之小股賊匪合夥頃接穆克登布  
來信十九日酉刻在甲魚石追及賊蹤該匪依  
恃山深雪厚路徑險窄料官兵不能深入正在  
屯聚未動一見官兵趕到張皇失措時兵未到  
齊穆克登布卽先率前隊兵勇極力衝殺立斃  
賊匪百餘人生擒五十六名有大旗手梁貴探



馬頭汪世傑二名其餘俱係矛手當卽概行正  
法該匪卽由陽山溝竄赴金池院一帶係趨畧  
陽之路穆克登布俟後隊到齊亦卽緊追前進  
是現在甘境卽已肅清而陝省南山亦就寧謐  
各路官兵不致仍前牽綴所有棧內設防之兵  
均移撤漢江以南全力堵剿又接藩司溫承惠  
來稟該司帶領鄉勇在平利縣之漆扒地方截

剿龍紹周賊匪殲斃二百八十九人生擒戰手  
吳有法等七名當卽梟示該匪分股由竹溪河  
險子城向鎮平南竄該司卽在漆扒暫紮防其  
東竄務將該匪逼剿入川不令竄往楚界又據  
探報高二馬五賊股已竄入平利之高望山等處截擊額勒登  
帶慶溥已由平利之高望山等處截擊額勒登  
保又派恒瑞楊遇春帶兵由紫陽趕赴平利洵



陽一帶迎剿是各路官兵雲集更可乘賊匪逼

至一隅聚而殲洗臣連接額勒登保來信囑臣

前赴西鄉軍營面籌一切並囑速調棧內各路

防兵前赴西鄉以便分撥防堵臣當卽飛檄各

路防兵迅速前往臣亦卽趕緊移營由漢陰石

泉一帶探迎額勒登保軍營務期協同各路官

兵竭力剿辦若能將各股賊匪卽於陝境剿滅

淨盡固可迅圖蕝事卽或不能亦務將賊匪逼  
剿入川嚴防邊境俾額勒登保得以整師前往  
一意剿洗不致有東牽西擊之虞奏入

上命軍機大臣傳諭額勒登保長麟曰長麟奏會芝  
秀一股賊匪竄過五卽直向東趨長麟帶兵馳赴  
鎮安督同各路官兵向西南迎剿賊匪無路奔逃  
搶過漢江南岸四散竄逸所奏情形與昨日額勒



登保奏報相同惟穆克登布等所剿伍懷志一股  
在甲魚石追及賊蹤奮力剿殺一節額勒登保未  
經奏及自因相隔稍遠尙未得信此股賊匪經穆  
克登布等殲斃百餘人擒獲賊目矛手五十六名  
所辦亦好現在甘境業就肅清會芝秀逼過漢江  
陝省南山亦就寧謐但刻下江水日見淺涸賊匪  
既可南竄亦可北竄尤不可不加意防範此時陝

省應防地方惟有漢江南岸不似從前道路綿長  
扼要堵截亦易爲力長麟現由漢陰石泉迎赴額  
勒登保軍營務將防堵事宜會商妥辦所有漢江  
南岸及南山一帶俱交長麟督飭員弁實力堵禦  
勿令賊匪復行闖入倘再任北竄過江或又逸入  
南山以內則長麟不能辭罪至曾芝秀一股前此  
翻越白家店山梁竄過棧道係由德忠防守汛地



竄越已據經畧叅奏革職當經降旨諭令額勒登保以德忠入山趕賊暫緩革審如德忠果能奮力追擊迅速剿淨尚可以功抵罪革職留營効力予以自贖之路今據長麟奏會芝秀竄過五郎一帶時汪啟由子午峪抄赴鎮安截擊德忠祇在後眼剿是此股賊匪竟係德忠踈防縱令逸出而賊匪逃至石泉時劉之仁尚能趕上追擊德忠又不能

截住痛剿實屬有罪無功德忠著革職拏問交額  
勒登保長麟會同審訊如德忠於會芝秀逃竄時  
竟未帶兵攔截則縱賊不剿自應從重治罪倘會  
經堵截實因帶兵無多衆寡不敵以致賊匪乘夜  
奔逸德忠亦有應得之罪著卽按律定擬具奏



欽定剿平三省邪匪方略正編卷二百十

庚申年

十月十四日

癸亥

明亮倭什布奏言查黃白藍線

四號賊匪經

臣

等在上龕等處夾擊之後該匪

卽由洪坪分爲三股日夜向西南一帶狂奔當

據獲賊馬貴等僉供三股賊匪冀誘官兵追剿

入山奔回房保卽向二竹竄走總思在楚省擄

掠等候別股會聚等語

臣

等察看賊勢四散必

須分路兜截臣明亮由一碗泉洪坪一帶追擊

以防賊匪竄回滋擾臣倭什布由馬欄坪官渡

河一路兜截以扼匪衆旁竄西北兩路官兵分

投競進詎該匪等畏懼馬隊總在萬山仄險中

捨命奔跑滾巖跌死者甚多沿途拋棄老幼婦

女日有十餘名或數十名不等臣等於三十日

均至順風峪會合逐日搜獲四散落後賊匪蔣



發祥等共一百七十三名訊稱四號賊衆在上  
龕一帶打敗營中矛手頭人帶傷甚多或背或  
抬因山路偏仄所以分爲三起日夜奔逃大衆  
原約躲過官兵再作擄人覓食之計不料連日  
官兵追剿緊急愈逼愈近衆人畏懼只可逃回  
四川等侯查該犯等均係從賊日久到處焚掠  
俱卽正法復據哨探報稱該匪等均由向家壩

徐家壩一帶竄回川省大寧縣當卽飛咨德楞

泰勒保撥兵截剿

臣

等思該匪雖已窮蹙回川

難保其不復北竄趁此楚境肅清趕緊籌布邊

防先爲準備固守邊圉遂將

臣

倭什布所帶之

兵儘數分撥查陰條嶺九道梁等處最爲緊要

雖經姜晟前派叅將曹星督率鄉勇七百名在

彼堵禦恐不足恃添派都司何天標陳德文帶



兵四百名分布五墩子烏雲頂年旺壁等處各

卡扼要防堵派副將滿倉帶兵六百餘名協同

原任總兵守備銜李鋌自川帶回湖北官兵二

百名並暫留四川練勇一千八百餘名赴向家

壩馬鬃嶺一帶分段堵禦俟湖北練勇到齊卽

交原帶員弁首領就近撤回川省

臣

明亮正擬

帶兵赴川跟剿前進適據鄖陽府王正常叅將

姚國棟平利縣任奎光等報稱龍紹周等股在平利屬之石岔河文彩溝一帶焚掠又另有一股賊匪由安康溢河翻界嶺竄入南坪獅子壩賊衆甚多亦往東竄若由東而北卽入竹谿境內復據陝西藩司溫承惠稟稱帶兵至謝家灣一帶剿賊獲勝該匪退回文彩溝亢喜坡一帶查東南漆扒西界嶺等處係通楚省唐家坪西



面河豐溪一帶溫承惠一隊鄉勇若趕赴漆扒  
等處迎攔恐該匪延及東北勦辦益形棘手又  
稱高二馬五等股已竄入平利之大貴坪蔡家  
河一帶其勢東趨

臣

等查看各處稟報大畧相

同

臣

倭什布所帶官兵悉數分布川楚卡隘防

堵賊匪折竄僅剩馬兵四百五十名月來入山  
追勦道路崎嶇馬匹亦多疲乏此外止有總兵

孫清元一路官兵一千二百餘名現查陝匪數

股逼近二竹邊境恐乘間突入則楚省甫經廓

清又被蹂躪

臣

明亮所帶兩粵官兵三千五百

名經長齡奏帶一千名赴陝續派總兵德昌在

穀城收集各兵共八百餘名復經姜晟派該鎮

帶赴二竹防堵再除傷亡病故外現在兩粵官

兵僅有一千二百餘名至川省派來之兵勇除



陣傷亡故以及派撥防堵外現存兵一千一百

餘名臣明亮所帶馬隊四百名追剿多時馬匹

亦疲現查有馬者不過十之四五臣明亮現帶

三省勁旅並兩粵四川河南官兵共三千餘名

若追剿入川而陝匪又接踵而至楚省兵力分

更見單於堵剿均屬不敷臣等再四思維不得

已復飛咨德楞泰勒保撥兵兼顧一面即帶現

有之兵趕赴二竹確探賊蹤趕緊迎剿川陝逆

匪先行移會慶溥溫承惠設賊匪已入楚境卽

與兩面夾擊若賊匪尙在二竹邊境游奕臣明

亮卽帶兵赴陝剿辦維時經畧額勒登保定已

統領大兵前來如將此股賊匪會合掃除臣明

亮帶兵趕赴四川上緊協剿以次掃犁臣倭什

布馳抵二竹將邊防一切事宜悉心布置妥協



行會同姜晟奏

聞奏入

上命軍機大臣傳諭明亮倭什布曰前此令明亮專  
辦徐添德一股原望其殲擒首逆速行辦竣仍加  
恩還伊伯爵乃伊無福承受日久因循總未與賊  
接仗及至徐逆竄往陝境明亮並不跟蹤追剿以  
川省有藍黃白線四號竄入楚境楚重於陝爲詞

帶兵趕回迎截遂置徐逆於不顧今四股賊匪折  
回川境明亮又不追賊入川乃以陝賊竄楚爲詞  
帶兵趕赴二竹迎剿又置黃藍白線四股賊匪於  
不顧兩次俱未追賊出界巧於趨避全不以軍務  
爲重大負朕節次格外矜全重恩若以明亮此次  
罪狀而論卽當在軍前正法因伊在

皇考時屢經帶兵出力且念其年已衰邁稍從寬典實



不免失之姑息明亮著革去總兵降爲藍翎侍衛

仍傳旨嚴行申飭所有湖北宜昌鎮總兵員缺著

長齡調補卽令明亮隨同長齡在二竹一帶認真

堵剿明亮不必再行具摺奏事伊所奏軍情亦不

過虛誑之詞若仍前蒼滑不思感激圖報復縱陝

賊入楚明亮更有何言巧辯朕亦無詞再爲寬宥

至明亮現帶官兵三千餘名已降旨交長齡管帶

長齡才到二竹之前此項官兵仍著明亮暫行帶領至倭什布雖同明亮帶兵剿賊但伊係巡撫地方防堵事宜是其專責且帶兵本非所長故不加

斥革然此次四號賊匪皆自行折回川境並非經官兵痛剿畏懼潰逃且殲斃者不過落後零星老

弱之賊倭什布隨同明亮具奏塞責無能已極倭什布亦著傳旨嚴行申飭現在藍黃白線四號賊



匪折竄川境楚省未已無賊其陰條嶺九道梁等處倭什布已派都司何天標等帶兵分路堵禦伊馳抵二竹布置邊防事宜此則倭什布之責無可諉卸務須督率嚴防若竄往川陝賊匪仍任闖入楚境倭什布不能逃罪矣凜之勉之

上又命軍機大臣傳諭額勒登保曰明亮倭什布奏楚省藍黃白線四號賊匪竄入川境因平利賊股

勢欲東趨明亮卽帶現有之兵以趕赴二竹確探賊蹤上緊迎勦爲詞明亮前於賊匪徐添德竄出陝境時則稱川省竄楚賊匪尤爲緊要及帶兵回楚總未趕上痛加勦殺今賊匪竄回川境又稱三竹緊要帶兵前往是以兩次俱未追賊出界看來竟係居心蒼滑全不足恃若再姑容必致悞事已降旨將伊革去官旨鎮總兵降爲藍翎侍衛令長



齡調補宜昌鎮接管明亮原帶之兵及粵東粵西

弁兵趕回二竹防堵至長齡原帶吉林黑龍江勁

兵本爲剿賊之用今長齡旣回二竹防堵所有明

亮原帶之兵及粵省兵丁已足敷用可以無須此

項勁旅現在藍白黃線四號賊匪竄入大寧川東

夔巫一帶有德楞泰等所派之副將褚大榮在彼

防堵如將賊匪截回又必折竄楚省倘因兵力較

單不能攔截勢必又任其深入川境蔓延滋擾此  
時明亮等雖飛咨德楞泰勒保撥兵迎剿然德楞

泰等現在川北剿賊相距較遠額勒登保現在紫  
陽安康一帶距大寧較近且身爲經畧川省之賊

卽與陝省無異額勒登保自應無分畛域一體籌  
辦著於楊遇春札克塔爾二人中派出一員酌帶  
兵力前赴洵陽並將長齡所帶吉林黑龍江官兵



接管取道速赴大寧一帶上緊剿辦藍黃白線四  
號之賊現在各匪竄聚川省正係極好機會務當  
妥籌全局以期速就蕩平

上又命軍機大臣傳諭長齡曰湖北宜昌鎮總兵員  
缺著長齡調補其明亮一路官兵並著歸長齡統  
領至長齡所帶吉林黑龍江勁旅現今額勒登保  
卽日派員前來接管由該處赴大寧一帶截剿藍

黃白線等股賊匪東三省勁兵原爲剿賊及鋒而  
用非爲防堵而設長齡俟將此項官兵交代後帶  
領粵省兵一千名趕回楚省二竹地方會同倭什  
布認真堵禦倘令陝省賊匪闖入則惟伊等是問  
再明亮在楚剿賊屢經玩悞節次降旨飭催總未  
見奮勉殺賊今已革去總兵卽令隨同長齡帶兵  
防堵並著留心察看如明亮尙知愧懼有立功自



贖之處卽行具奏若尙不肯認真出力或實因年  
力衰邁不能振作亦卽據實奏聞毋得稍有瞻徇  
隱飾

十五日

甲子

德楞泰勒保奏言

臣

等兩月以來督

兵在川東痛剿各股賊匪零星散竄通飭各州  
縣嚴密搜拏茲據署開縣知縣張陳鉉稟報督  
同黃土漕磊石硎寨長陳希武彭朝祿等拏獲

一賊到縣審訊始猶狡供嗣又續獲任三才一名指認爲白號元帥張子聰該犯不能抵賴旋即供吐實情經該縣錄供稟報委員押解前來臣等當派備弁迎提到營卽令現獲各犯李貴芳王坤並調到先經投首賞給金頂之伊姪張廷鳳到營逐一認明屬實查張子聰籍隸東鄉與王三槐徐添德等同時習教起事稱爲白號



經王廷詔僞封元帥數年來率衆滋擾川東川

北並陝楚各邊界今春同冉添元等竄越嘉陵

江與雷世旺度向瑤皆爲白號首逆自雷世旺

於新店子地方經官兵殺斃該逆等竄回嘉陵

江東岸六月間與度向瑤分夥張子聰潛匿東

鄉之全安鄉伊姪張廷鳳乘間逃出該逆本亦

有悔罪之意緣心存疑懼不敢卽投迨團勇領

首羅崇遣其兄羅芳等進營告知張廷鳳業已  
得官勸令及早投出該逆正與賊目李德先等  
商議適有張金連並庾向瑤劉朝選各股前來  
合夥力阻以爲不可當將羅芳等八人殺死各  
向太平境內奔竄張子聰因與李德先不和祇  
帶三百餘人欲尋唐大信合夥緣聞唐大信已  
被團勇殺死卽在濛濛溪一帶老林游奕手下



夥黨陸續逃散所剩無多探聽湯思蛟等在栢

木園屯紮卽往奔投詎九月初九日甫到栢木

園山溝正遇

臣

德楞泰一路官兵追勦湯思蛟

等股匪衆紛紛潰竄該逆卽向山峒潛藏直至

三日後見無官兵始行走山出扮作難民祇在山

中沿途求乞欲俟另股賊匪到來再行入夥不

期於二十三日至磊石寨被該處寨長陳希武

彭朝祿等盤獲解縣臣等詰以習教起事及歷

年竄擾地方並與官兵節次打仗情形據供歷  
歷如繪該逆罪惡貫盈訊明後卽在軍營對衆  
臠割仍將首級梟示犯事地方以彰

國憲而快人心署縣鹽大使張陳鏞督率寨長捐

納訓導陳希武團勇彭朝祿等擒獲渠魁審明

檻送洵屬能事合無仰懇



聖慈一併俯賜鼓勵再臣等於方山坪營次接據各

路稟報李炳陳朝觀並陝省竄來張齊辛等逆

夥匪均由南江吳姚二壩白山寺一帶向廣南

交界之木門場先後折竄高家營內顏楊二姓

之賊由西鄉鹽場壩竄入太平官渡灣經該處

防守官兵擊退龍紹周一股與唐冉餘逆由紫

陽折回太平在高頭壩冉家壩一帶游奕又有

大夥賊衆由楚省房縣竄出老林已至巫山入

石坪洋溪河

臣

等查自陝竄入川北之賊旣向

木門場遁逸勢必仍回陝境則川北之賊勢較

輕七十五先聞通巴有賊業已移師往剿現向

通南一路進發似不復令其轉回太平應將川

北堵剿事宜交與七十五前往相機辦理

臣等

旨不便以重兵俱往川北現在太平大寧巫山



一帶既有賊匪自陝楚竄入刻下又以川東邊  
界爲重臣等卽改道由東鄉太平一路進發俟  
至前途確探賊蹤官兵或分或合另行熟商籌

勦

同日德楞泰勒保又奏言臣勒保前奉

上諭令將知州戴如煌提至軍營詳悉研鞫按律定  
擬具奏伏查豫楚川陝各處邪教滋事大率皆

以官逼民反爲詞而於達州知州戴如煌尤爲

衆所指摘

臣

等前此先後來川勦賊均有所聞

緣無實在確據是以未及嚴叅上年

臣

勒保奉

旨查辦遵卽遍加訪察僉稱該牧老病無能一任書

差黃登彥王國學等狐假虎威在外滋事以致

民怨沸騰業經據實覆奏竊思教匪起事至今

四載荼毒無數生靈神人共憤如果戴如煌以



查拏邪教爲名勒索銀兩得有確據則係啟釁

罪魁斷不敢任其輕縱適於現獲各犯內有達

州人數名逐加訊問均未有的被詐贓據惟李士

懷則與王學禮同時起事據稱嘉慶元年秋間

該犯曾經出銀二十兩與王學禮轉交總差頭

王國學馬貴二人收去得免查拏是勒索已非

無據查戴如煌尙在重慶並未回籍州差王國

學先經被賊殺死馬貴則必有其人一面札飭  
重慶府石韞玉查拏戴如煌解營一面密札現  
在達州總理糧餉之永寧道陳預再行確查並  
拏馬貴解審去後嗣據該道稟稱達州上下兩  
班九房書辦及壯快捕皂各役原有四千餘名  
尙有戴如煌任內卯簿可稽至劉佳琦接任始  
行大加裁汰是戴如煌任內濫設衙役實已確



切無疑差頭馬貴已於嘉慶二年病故無從傳  
訊其查拏邪教藉端索詐之處緣習教之人俱  
已同時入夥爲逆實在無從查考等語嗣據重  
慶府將戴如煌委員押解到營臣等親加嚴訊

據供達州書役向係四季輪班因典史差頭節  
次稟請添募實有四千餘名之多嘉慶元年邪  
教起事之先有鄉約胡泳言於九月十三日赴

州稟報戴如煙因其無據卽面斥其非並未責

打是晚該鄉約又稟有製辦火繩實據當卽派

差拏獲羅啟文李大防等數人起出軍器號片

各匪因事已敗露旋於十五日拒捕造反質以

查拏邪教訛詐銀兩一節堅稱乾隆五十九年

係奉福康安派委茂州知州徐麟趾等前來查

拏均經解省審辦嗣於六十年又奉孫士毅行



知以四川邪教應俟平定苗疆再行查辦自此  
不復再拏實無得銀縱放之事惟書役人數本

多在外藉端訛詐實恐覺察難周但身爲地方

官邪教充斥不能先爲防範卽屬咎無可辭只

求從重治罪等語

臣

等又提賊匪李士懷與之

質對該犯亦稱實在出過銀兩爲衙門使費是

否係州官收用不敢妄供查王學禮早經拏獲

正法王國學馬貴二人又先後被戕病故此外  
更無可質証之人若以此卽坐戴如煌以貪汚  
激變之罪不足以折服其心惟查該員於乾隆

五十三年初到達州時因盤費不敷將衣服交

與差頭張居式王國學等赴省變價致累差役

賄賂經前督臣李世傑查出撤回未經叅辦是

該員之聲名到任卽屬平常又查該員現年七



十八歲從前卽因年老多病不能辦事每逢緊  
要案件常調所屬東鄉新寧兩縣令赴州代辦  
今旣查明該員任內書差卯簿竟有四千餘名  
之多一任伊等在外詐錢滋事釀成邪教謀逆  
巨案未便因其查無貪婪切實証據致有輕縱  
相應請

旨將戴如煌卽在達州枷號三個月滿日發往伊犁

充當苦差子嗣不准出仕以示懲儆均奏入

上命軍機大臣傳諭德楞泰勒保曰張子聰爲著名  
首惡竄擾日久今被盤獲指認屬實德楞泰等將

張子聰對衆臠割所辦甚是看來事機已順而朕  
所尤欣慰者更在德楞泰等帶兵前赴川東剿辦  
一節昨因明亮等奏楚省藍黃白線四號賊匪竄  
入川省大寧其川東夔巫一帶雖經德楞泰派有



副將褚大榮在彼防堵尙恐兵力較單不能攔截  
正深慮念因德楞泰等正在川北剿賊相距較遠  
未經降旨諭及已令額勒登保揀派大員酌帶兵  
力並將長齡所帶吉林黑龍江勁旅接管速赴大  
寧協剿終恐緩不及急今德楞泰等接據稟報酌  
量情形以川東邊界爲重卽改道由東鄉太平一  
路進發兼顧川東所日甚是深爲可嘉著賞給德

楞泰貂皮馬褂一件賞給勒保烏雲豹馬褂一件

以示優獎此次將張子聰拏獲之寨長捐納訓導

陳希武團勇彭朝祿於該逆扮作難民求乞潛竄

時能留心盤獲俾首逆早正刑誅尙屬能事陳希

武著加恩以六品州同等官陞補團勇彭朝祿著

加恩賞給千總如伊等情願出仕卽准其補官効

用若不願當差卽賞給頂戴榮身用示鼓勵其畧



縣鹽大使張陳鉉雖未親自拏獲張子聰但該逆  
到案後卽時審鞫究出實情尙屬細心著加恩遇  
有應陞之缺陞用至德楞泰等現已帶兵前赴川  
東而額勒登保所派官兵自亦接續到彼所有該  
處四股竄匪正可兩面夾擊乘勢截剿德楞泰等  
務須倍加奮勉卽在川東地方迅速剿淨斷不可  
復逼入楚地一經殲獲渠魁卽行加緊馳奏必當

加之二重賞其張子聰手下逃散餘匪若不亟爲安  
集輾轉潛匿恐致餘孽復萌已另降諭旨令勒保  
等督率地方官實力訪察妥爲安頓矣

上又命軍機大臣傳諭勒保長麟姜晟陸有仁倭什

布曰現在各路竄匪屢經官兵痛剿克捷楚省已  
無賊匪惟接近川省大寧巫山一帶及二竹毗連  
之平利紫陽等處尙有賊匪滋擾陝省漢江以北



及南山內均已肅清祇漢江以南與川省交界處  
所賊匪尙在奔竄而川省之賊亦惟在嘉陵江以  
北奔逃游奕合計賊數雖有二三萬然脅從者居  
其大半賊蹤所至不及千里此時各路統兵大員  
四面攻圍漸逼漸緊正可聚而殲戮實爲極好機  
會惟是困獸猶鬪自必尙思抗拒此等賊匪其實  
在怙惡不悛屢次抗拒官兵戕害領兵大員荼毒

生靈無數自屬法所必誅而內中無知愚民被其  
裹脅迫而從賊者亦復不少若概就駢誅於朕心  
尙有不忍如額勒登保德楞泰等節次得有勝仗  
投出者甚多俱稱給與銀米交地方官分別安置  
此在帶兵大臣專以剿賊爲急自不暇詳細查辦  
而地方官等如何安插得所並未據奏及看來不  
過虛詞搪塞並未實力安撫此等原係平民因破



賊焚搶無路謀生不得不陷身賊黨若投出以後  
不過酌給銀糧仍聽伊等自覓生計伊等流移日  
久漸至口食無資卽不敢有心謀叛而爲饑所迫  
勢必又去而從賊萌蘖仍屬未淨或聚於山谷之  
中爲摸樁之事卽如本日德楞泰等奏生擒首逆  
張子聰一摺據稱張子聰因與李德先不和祇帶  
三百餘人欲尋唐大信合夥緣聞唐大信已被團

勇殺死卽在老林游奕手下人陸續逃散所剩無  
多等語張子聰本係大股賊匪因夥黨逃散其勢  
立孤致被擒獲逃散之人豈能枵腹藏匿自必各  
思謀食若安撫無策勢必至復思從逆總當飭令  
地方官實力稽察各令得所並恐胥役人等因伊  
等係曾經從賊之人藉端訛詐致投出者存身無  
地仍復驅之從賊此等情弊尤當實力嚴禁以期



安一民卽少一賊嗣後各路軍營於投出之人如  
果訊問明確實係被裹難民應行省釋者責成各  
該督撫務須遴派明幹道府大員如川省之劉清  
陝省之楊護等前赴各路軍營隨時經理設法安  
頓俾其衣食有資各安生業難民旣不致流徙無  
依賊黨亦可聞風解散此卽一面剿賊一面安撫  
爲善後應辦之事以期事半功倍原不待賊匪剿

淨後始辦理善後也至賊匪內如徐添德王廷詔  
高二馬五樊人傑龍紹周張添倫等皆係著名首  
逆自當悉數殲除如各路軍營業經按名生致或  
臨陣殲斃驗明屬實自不慮復留餘孽倘或潛行  
藏匿逃散無蹤則必須嚴密搜查期於必獲一二  
皆有著落此等首逆人人共憤即使乘間竄匿亦  
不過在附近幽僻處所延喘偷生地方官無難隨



時搜捕並著該督撫等一體遵照督率辦理不得  
以查無蹤跡或經殲斃爲詞以致寬惡漏網日久  
又滋事端也

同日

上諭內閣曰前因戴如煌老病無能任聽書差在外  
滋事以致民間多有怨言凡習教之人無不遭其  
索詐不能安身遂萌異志是戴如煌實屬激變啟

身... 卷三  
三

釁罪魁不可不嚴加懲治因降旨命勒保提至軍  
營悉心研鞫今據德楞泰勒保審訊戴如煌並無  
貪婪切實証據而檢查任內書差卯簿竟有四千  
餘名之多一任差役在外詐錢滋事雖事隔四年  
書役王國學馬貴等均已先後被戕病故此外更  
無質証之人而戴如煌濫設衙役四千餘名任聽  
藉端訛索以致達州教匪首先滋事白未便因其



現無索詔入已確據致有輕縱戴如煌著照德楞  
泰勒保所擬在達州地方枷號三個月滿日發往  
伊犁充當苦差子嗣不准出仕以示懲儆

臣  
等謹案我

皇上籌辦軍務以來

憫茲蠢頑皆吾赤子

申諭再三兼施剿撫其悔懼來投者給以資斧謀以

安插立法至詳且盡是以元戎所指臨陣籲  
求者實繁有徒而

聖德如天痾瘵在抱此次因賊首張子聰股內逃散

人多

慮及地方官安撫不力或酌給銀錢聽其自覓生計  
未免日久流移又復饑驅爲匪

特命督撫等遴派明幹大員妥爲經理設法安頓伏



讀  
聖諭云安一民卽少一賊

仁心仁聞實足以感召休和至於

簡循良斥貪墨如戴如煌之殃民激變雖訊無實據  
而冗設書役至四千餘名之多任令詐錢滋  
事民怨沸騰今蒙

聖明洞照按治遣戍則尤同民出治之道所爲默操

化原者也

同日

上又諭內閣曰近來川陝楚各路軍營連獲勝仗本

日又據德楞泰勒保奏擒獲首逆張子聰事機極

爲順利川省善後事宜需用繁多自應寬爲籌備

著於部庫內撥銀二十萬兩廣儲司庫撥銀二十

萬兩解川備用並著伯麟於應行截留浙省解到



銀二十萬兩入境時卽飭令該解員迅速解川倘  
業經交庫亦卽派員速行解往

卷之二十一

...

...

...

...

...

...

...

...



欽定剿平三省邪匪方略正編卷一百十一

庚申年

十月十七日

丙寅

長齡奏言

臣

前於王家坪將高

二馬五股匪截剿該匪等向東北逃竄現有慶

溥在後追剿北濱漢江南有

臣

所帶勁旅其勢

必向東行由洵陽入白河直達黃龍灘雖經飛

咨倭什布派員防堵猶恐緩不濟急隨細詢隨

營帶領竹山鄉勇之從九品陳用梁據稱有捷

徑至鮑家店卽可抄至賊前因令其引路行走  
初八日趕抵該處節據鄉勇探報該匪已在大  
坪一帶焚掠知有官兵迎截存紮未動相離不

過數十里

臣

於初九日五鼓率領馬步官兵探

迎進剿辰刻始至大坪一面令兵勇先爲誘敵  
該匪萬分詭詐於各山嶺險窄之區安設偵探  
之賊甚多知有兵來卽率衆抗拒漫山遍野不



分路徑面面有賊繞我後路使我兵前後不能

兼顧

臣

帶領各官兵分爲四隊各佔山梁靜待

賊匪弛懈再行衝壓該匪相持一二時之久衝

撲三次勢頗兇悍我兵屹然不動

臣

見衆匪漸

有懈意卽督率喜常阿呢瑪善常祿等先帶兵

勇分投衝壓馬兵擇稍平坦之處抄至賊後奮

勇攻擊立殲賊一百餘名賊衆大亂馬步並進

鎗礮圍剿約殺有四百餘名擒獲七十餘名該  
匪四散狂奔我兵追殺三十餘里沿途俘戮四  
百餘名滾巖跌斃者不計其數被擄男婦大小  
自行散出及擒獲者又有二百餘名口該匪折  
回西南奔逃侍衛特依順保藍翎守備羅綸均  
受有矛傷吉林委協領觀成千總頂戴藍翎外  
委劉德明外委劉建祖各受石傷皆不甚重兵



勇間有損傷查明另行咨部

臣

此次抄至賊前

原爲遏其東竄以免偷渡黃龍灘今已擊回西

南一經深追必入竹山反致滋蔓卽於瑪瑙溝

紫營派令兵勇分路偵探再行截剿當將獲犯

審訊據孫必榮李五董士志等七十七名僉供

高馬二掌櫃說索倫馬兵利害必得由山僻小

路逃走馬力不能施展如果緊追就可設伏打

仗又說此去直往東走就是鮑家店可以踰渡  
黃龍灘彼處想無官兵鄉勇過了堵河地面便  
覺寬濶我等共有黃藍白三色旗號今日起到  
大坪聽說官兵又抄到前頭高馬二掌櫃說今  
日打仗先佔難走的山梁四面圍裹使官兵馬  
不得力方得便宜我等俱當戰手探馬等語當  
卽正法又訊據陳君華徐紹芳等供係平利洵



陽白河被擄居民當卽給粟回籍臣猶恐水涸

之時灘淺河窄不得不過爲籌慮適接督臣姜

晟咨會派有廣西總兵德昌帶兵前來二竹防

堵臣卽飛咨德昌就近在黃龍灘駐紮實力嚴

防再查竹山與白河毗連處處可以竄越地方

官勸集義勇尙屬急公防堵無如未嫻紀律一

遇賊勢克惡多有散避實難深恃查此股賊匪

經大兵追剿日久奸猾已極東擊西竄牽制官

兵勢所不免似應分路剿辦較易蕪事但臣所

帶吉林黑龍江馬隊分帶乏人而兩粵官兵雖

有一千能打仗者祇五六百名實有不能分道

剿辦之勢業已咨會倭什布或留孫清元堵禦

西南一帶倭什布移駐竹山在境內相機防堵

以資嚴密奏入



上命軍機大臣傳諭長齡曰高二馬五一股狡詐異

常屢次戕害提鎮大員深爲可恨長齡帶領吉林

黑龍江勁兵前在王家坪地方迎頭截剿得有勝

仗今因該二逆欲圖東竄抄至鮑家店分隊衝壓

殲擒賊匪一千餘名連獲勝仗軍威已振殊屬可

嘉着賞給烏雲豹馬褂大小荷包用示獎勵前因

明亮在楚剿賊遷延不進已將明亮降爲藍翎侍

衛令長齡補授宜昌鎮總兵帶領粵兵趕回二竹  
堵禦其吉林黑龍江官兵令額勒登保派員接管  
前赴大寧截剿竄匪原因川東大寧及夔巫一帶  
兵力較單德楞泰遠在川北有鞭長莫及之勢是  
以如此指示昨據德楞泰勒保奏業經帶兵前赴  
川東是該處已有重兵足資剿辦而現在長齡截  
剿高馬二逆兩次未得勝正當以趨健之兵擊兇悍



之賊且賊勢已經屢挫而長齡剿辦得手兵與將  
彼此相習尤可乘勝奮擊速擒賊首向來帶兵大  
員剿賊未經辦竣一股捨而之他以致輾轉蔓延  
實爲錮習卽如高馬二逆亦因那彥成前在甘時  
未及剿淨貽患至今長齡務須以那彥成爲戒將  
此股殲洗淨盡不留餘孽現已降旨諭令額勒登  
保毋庸將吉林黑龍江勁旅另行派人帶往川東

剿賊所有高馬二逆卽專交長齡統領原帶官兵  
奮力追截卽於該處剿盡俟剿竣後再回二竹防  
堵若額勒登保業已派員前來竟可幫同長齡協  
力剿辦如能生擒該二逆卽當臠割將從前被高  
二馬五戕害之提鎮各大員設位長齡親往致祭  
卽臨陣殲斃亦當割取首級祭奠以慰忠魂而洩  
衆憤一經克捷卽加緊馳奏朕必立施重恩長齡



務加奮勉剋期奏績以副委任至此股賊匪剿竣  
後長齡應帶粵兵前赴二竹防堵其所帶吉林黑  
龍江官兵應赴何處當馳稟經畧聽候派撥可也

上又命軍機大臣傳諭額勒登保曰前因湖北藍黃  
白線四號賊匪竄入川境明亮並不趕緊追剿轉  
赴二竹防堵平利賊股已降旨令長齡帶領粵省  
兵丁一千名並接管明亮原帶兵丁前赴竹山竹

谿堵禦以截賊匪折竄楚省之路其長齡所帶吉  
林黑龍江勁旅令額勒登保於楊遇春札克塔爾  
二人內酌派一員前赴洵陽接替管帶卽取道速  
赴大寧一帶追剿竄川賊匪彼時原因川東大寧  
夔巫一帶兵力較單而德楞泰等遠在川北鞭長  
莫及之故昨據德楞泰勒保奏已由東鄉太平一  
路進發兼顧川東是川東一帶已有重兵剿辦本



日據長齡奏攔截高二馬五一股竄渡黃龍灘之  
路抄至鮑家店迎頭痛剿殲擒賊匪一千餘名長  
齡前在王家坪地方擊剿高馬賊匪大獲勝仗此  
次又復克捷是吉林黑龍江勁旅軍威大振高二  
馬五一股賊匪兇悍狡詐於諸賊中情罪尤爲可  
惡今長齡兩次痛殲其勢已形衰敗且長齡剿辦  
此股正在得手之時兵將甫經相習未便將所帶

勁兵調令他往已諭知長齡卽將此股賊匪上緊  
剿辦俟剿竣後再赴二竹防堵若額勒登保已派  
員前往正可幫同長齡剿辦高馬二逆亦不可將  
長齡原領勁旅帶赴他處想長齡兩次得勝額勒  
登保亦已得信自必以長齡一路事機順利爲喜  
斷不肯將所帶勁兵撤交他人接管也至楊遇春  
係派往洵陽一路剿賊之人何以長齡所剿賊股



未見楊遇春合力兜擊該提督究現在何處耶至  
陝境賊匪曾芝秀一股已竄漢江南岸而伍懷志  
一股前據長麟奏經穆克登布等剿敗後尙在畧  
陽一帶此處爲額勒登保後路自應倍加留意其  
額勒登保所剿之冉學勝張添倫戴家營等股賊  
匪現在作何剿辦曾否得有勝仗剿淨何股之處  
並著迅速覆奏

二十日已明亮倭什布奏言查黃白藍線四號

賊衆潰逃入川臣等就近撥兵分佈邊防並移

師截剿逼近二竹之陝匪適據各卡盤獲奸細

蔣貴等十一名訊據僉供黃白等號賊匪已竄

至川省徐家壩合夥因川省覓食維艱又折回

兩交界游奕希圖等候大兵西去乘間折竄楚

境擄掠寺語即將該犯等正法當據叅將蔣觀



濤守備胡宗典等稟報兩股賊匪不知姓名只

在相近竹山屬之平峰寨界外游奕設臣等帶

兵趕赴二竹匪衆折回併力撲卡反爲牽綴當

卽於所帶官兵內抽派遊擊全祿守備孫鈺等

帶兵勇一千四百餘名前往招峯崖一帶迎探

遏擊臣等卽在豐溪山梁安營扼要策應探得

何路喫緊卽統兵馳赴剿辦茲據全祿等稟稱

途次老鴉頂有一股賊匪約數百人由茂古坪  
至桐樹坪一路焚掠而來一見兵勇卽翻山奔  
逃被兵勇追趕十餘里因天色已晚前途林箐  
深密恐墮賊人詭計卽在該處安營未便深追  
次日隨派首領胡承烈等帶鄉勇三百餘名繞  
赴老鴉頂蕭家坡迎探賊蹤復派守備孫銳首  
領鄭光明等帶領兵勇七百餘名前往牛屎牽



一路迎探賊蹤初八日接據陝省藩司溫承惠稟稱龍紹周等大股賊匪竄入平利之毛家溝革草河一帶其勢東趨經該司連次打仗克捷該匪等已竄近漆扒西界係通楚省豐溪要路並與竹谿之西面河相接復稱探得由紫陽竄來一股賊匪已奔至安康境內之銀硃壩有東奔平利之勢現在川陝賊匪據各處稟報股數

不一會聚在楚省西南邊界乘隙窺伺各卡隘

晝夜嚴防自當重兵暫紮隨時策應以爲聲援

方爲有益臣倭什布自襄帶來弁兵悉數分撥

卡隘臣明亮現帶馬步官兵三千餘名設追剿

入川楚省僅存總兵孫清元所帶兵勇千餘名

不但邊界綿長堵剿不敷分撥且川陝賊匪均

逼近邊界再四籌商查豐溪爲川陝楚適中扼



要之地必得暫紮以壯聲勢既可保護楚省全  
局並爲川陝接應時刻四路偵探何處緊要卽

赴何處追剿頃據守備郭朝鳴稟報提督楊遇

春督兵追賊前來已抵平利臣等正以鄖縣與

洵白交界一帶無兵防堵爲慮適接長齡來信

剿辦高二馬五之賊昨於王家坪接獲勝仗該

匪現竄洵陽屬之仁河大小金河卽與楚省鄖

身三才身手新卷三十一  
境毗連已飭總兵德昌帶兵八百餘名在黃龍  
灘嚴密堵禦並據溫承惠稟稱慶溥已從洵陽  
之大小仁河一帶抄截此一路似可無虞又接

陝甘總督長麟咨開伍逆前股餘匪已竄入五  
郎金雞河有東奔之勢臣等飭令邊卡兵勇

小心防堵臣等當卽飛飭道員恒慶督同鄖西

縣孔繼榘原集練勇堵禦該處鄉勇素稱驍健



自不虞其闌入

臣明亮本宜遵

旨跟蹤入川現值川陝竄匪處處窺伺楚境兵力單薄是以暫在楚省幫同剿辦俟賊氛稍遠迅卽統兵趕赴川省合力夾剿奏入

上命軍機大臣傳諭倭什布曰本日倭什布等六百里報到仍不過籌辦堵剿情形自係明亮接奉前此令其追賊入川諭旨伊未經前往故以此奏塞

賁而倭什布亦隨同列銜但明亮等前奏以陝賊  
竄楚緊要爲詞帶兵趕赴二竹迎剿今又不往二  
竹轉在豐溪無賊地方駐紮老奸蒼滑巧於趨避  
實不知其是何肺腸明亮在楚剿賊種種遲悞前  
已降旨將伊降爲藍翎侍衛至倭什布係湖北巡  
撫堵剿是其專責乃亦並不認真出力惟知附和  
因循無能已極倭什布着再傳旨嚴行申飭外省



惡習總以朕所差去之人朕必廻護其短殊不知

朕之心至公至正卽如那彥成台布以及魁倫皆  
朕去年所用何嘗有所廻護耶伊等旣以邊防自  
任所有楚省防堵各事宜尙何諉卸卽責成倭什  
布帶同明亮督率嚴密守禦倘稍有踈懈無論川  
陝竄匪由何處逸入楚境惟倭什布等是問至明  
亮自剿辦楚省教匪以來稽延多日屢經詢問倭

卷之三十一 聖諭  
古  
什布將明亮因何玩悞之處查明覆奏總未見倭  
什布據實查叅自因明亮係朕特派帶兵之員未  
免心存袒護今明亮已降爲藍翎侍衛無可再爲  
掩飾明亮或係老邁無能或現在患病竟不能支  
抑實係居心蒼滑不肯出力着倭什布據實查奏  
經此次詢問之後該撫若仍代爲徇隱倘經他人  
叅出或經訪聞得實必治倭什布以欺飾之罪決



不姑貸再摺內所稱黃白等號賊匪已至川省徐  
家壩合夥因該省覓食維艱復折回交界處所游  
奕又龍紹周已竄近漆扒西界高二馬五等股竄  
近大小金河倭什布等如何督率堵禦至伍逆前  
股餘匪竄入五郎金雞河有東奔之勢倭什布業  
經飛飭恒慶督同孔繼楨集勇守禦現在會否截  
回並着一併查明據實具奏以慰厯注

二十二日

辛未

額勒登保奏言

臣

前因紫陽安康

等處賊勢較重擬由西鄉之柳樹店前進於初

六日起程從分水嶺木竹壩王黑壩高莊子等

處行走十一日抵紫陽所屬之王家臺額勒亨

額令喜明由瓦房店前來接見據稱初六日探

得會芝秀過江數百賊匪由繞溪河有向東南

奔鐵佛寺之勢額勒亨額與喜明帶領馬步官



兵迎擊未刻至華陽寺遇賊追殺三十餘里斃

賊一百三十餘名生擒王光等十六名該匪等

四散奔逃初七日又於深林內搜出活賊十七

名訊據供稱實係曾芝秀股匪所剩不過數百

人並續探該匪南向大竹河一帶深林奔逸已

入川界又准恒瑞札稱徐添德股匪前經官兵

剿潰向星子山一路逃竄恒瑞恐其仍復西折

遂於西鄉之箭桿山巴山林龍池場一帶迎頭  
攔剿該匪等連夜從漁渡壩翻老林遁入川境

又據探報場遇春等帶兵由安康溢河磚坪一

帶追剿口在平利地界尙未接楊遇春等呈報

接仗情形又據慶溥報稱跟追高二馬五股匪

於初四日督同將備等從大小中溪馳至偏頭

山遇賊在彼掠食當卽追過數重山包斃賊三



十餘人生擒陳世德賴承光李成等三名訊據

供稱在陝連日被官兵剿殺欲向無兵處竄逃

好往湖北等語當俱正法該副都統恐兵力稍

單已就近知會長齡帶兵由紫木樹堽吉陽關

前來以便合擊臣查此一帶地方山勢頗險該

處路通鄖陽所屬之鮑家店黃龍灘等處現有

總兵德昌帶兵防堵并聞明亮倭什布統兵在

竹谿之西面河一帶截剿高二等股匪大勢不

能竄楚

臣

當卽札知慶溥務須會同長齡趕緊

剿辦且此內有老掌櫃王廷詔尤爲賊中要犯

并囑慶溥等留心擒拏又接據駐防太平之遊

擊李廷臣稟報探得賊匪王士虎樊掌櫃等已

由湖北折竄川省大寧之徐家壩天坪現有總

兵永寧追剿并稱德楞泰勒保等已向巴南前



來剿賊等情臣查核各路軍情目下惟龍紹周

及冉張股賊在川陝邊界高二馬五王廷詔等

賊股尙在竹山白河一帶其餘如徐添德曾芝

秀并先經奔竄之張添倫辛聰魏棒棒顏勝可

戴家營等股叠經剿潰所剩賊匪每股或數百

人千餘人至二千人爲最多俱經逸入川境是

現在賊股以川省爲重且高二馬五王廷詔等

楚中若攔剿緊密又經楊遇春慶溥等趕擊勢  
必亦歸川境伏思川楚陝同係腹地而近年以  
來剿辦不易得手者實緣賊匪隨處分股奔逃  
官兵每爲牽綴之故今賊衆漸已歸併入川我  
兵雲集剿辦轉可期速蕝事功此時已去川省  
之各股賊匪尙在太平南江通江等處德楞泰  
勒保等已向巴南前進此外尙有七十五帶兵



剿辦一時不能滋蔓臣本應卽入川省而陝楚

之賊未竣未便遽離所統之兵亦難分撥惟查

有阿哈保侍衛墨爾歡保所帶馬步兵勇共二

千餘名并副將唐朝臣海常尙可先行撤出是

以飛札知會阿哈保等卽行帶兵或取道西鄉

或由寧羌廣元先行入川協剿臣俟楚陝兩處

肅清再行整旅入蜀至各賊匪均歸入川境一

經剿急必致又思他竄倘川陝毗連之處防堵

不密又致散竄無歸

臣

計陝甘現有之兵約有

三萬全行留陝其統率大員有長麟慶溥尙有

恒瑞定住觀祥汪啟胡定泰楊奎猷九十關騰

劉之仁等均係領兵大員逐段管理可專責成

副將以下等官更復不少并副都統額勒亨額

慶溥綸布春等三員亦擬留在陝省帶領馬隊



分佈營卡以備擊賊之用至甘省已經寧謐賊  
匪非過陝不能入甘自寧羌南鄭西鄉紫陽安  
康等州縣均與川境毗連其地亦復綿亘萬山  
層疊若處處設兵亦斷不能有如許兵力其中  
各有險要可扼總路此外小路本多只可暫行  
刨挖并砍伐木植堵塞令民人暫歸大路行走  
且官兵設卡之後株守一隅仍屬無濟臣意亦

不在多設卡隘須於總路地方分駐大營於扼  
要小道安立卡座遠探賊蹤卽行出擊不惟以  
逸待勞并可以少勝衆種種機宜亦難枚舉

臣

昨晤慶成已爲逐一言之名爲防堵其實卽以  
堵爲剿而素嫻軍旅近與

臣

相處最久者莫如

慶成常與之論及行軍應機畫策亦無有出其  
右者此一帶地理情形較之各提鎮尤爲熟悉



臣

雖已將何處安營何處設卡何提鎮應在何

處駐劄之處開單指明而因時調劑以及細微

曲折總當責成慶成周歷巡查隨時佈置方爲

妥協其防堵剿捕調遣事宜慶成並與長麟商

定列銜具奏至新任撫臣陸有仁到陝慶成將

糧餉及結寨團勇之事均交陸有仁辦理更可

專以堵剿爲事况寧羌南鄭城固西鄉以至紫

陽安康平利緊連川界如安設周密該匪等斷  
不能再竄陝疆又有防江之兵在於裏層再加  
慎密更不慮其深入但查南鄭黃官嶺等處已  
派楊奎猷胡定泰帶兵在彼西鄉鍾家溝貫子  
山一帶亦有恒瑞駐守此外陝甘官兵尙以伍  
懷志等零星賊股未經掃除不能立即分設又  
伍懷志一股於前月三十日經穆克登布等趕



至鐵爐川殺賊一百餘名生擒十七名該匪分  
奔老林所剩四五百人昨據署留壩同知喻文  
鑑稟報該匪等於初二日夜在棧道之廟臺突過  
維時有解餉赴漢中交明回省銷差之候補縣  
丞崔立楷在店住宿猝然被害該匪由蒿壩河  
向東逃遁穆克登布等已隨後跟追等情各該  
處本向有防兵因前股曾芝秀東竄俱往跟剿

所以無兵攔截但該匪等已經殘敗五郎鎮安

一帶尚有汪啟德忠帶兵探剿並有通判雒昂

帶勇截擊又有穆克登布等緊追斷不能更有

滋蔓其觀祥等所剿零星賊匪前報尚在畧陽

地界此數日內臣行走較遠未據報到已飛飭

趕緊剿竣速帶官兵前來以資分設防堵再查

現在高二馬五王廷詔等賊若長齡與慶溥數



日間辦完固爲甚善否則逼向平利安康臣前  
往併力剿洗務於年內將大局戡定仰慰

慈懷奏入

上命軍機大臣傳諭額勒登保曰現在各股賊首徐  
添德曾芝秀並先經奔竄之張添倫辛聰魏棒棒  
顏勝可戴家營等股俱已逸入川境祇有龍紹周  
高二馬五王廷詔及冉張等逆尙在陝楚交界之

竹山白河一帶游奕額勒登保以陝楚之賊未盡  
未便遽離札知阿哈保等帶領馬步兵勇二千餘  
名先行入川協剿無分畛域實爲可嘉高二馬五  
係賊匪中最兇悍者屢次戕害提鎮大員罪大惡  
極而王廷詔亦屬教匪要犯俱在陝省東西奔竄  
必須盡行痛剿現在額勒登保札知慶溥會同長  
齡趕緊剿辦與朕指示適相符合額勒登保務當



督催慶溥等趁賊窮蹙之時奮力截擊若能卽在  
陝楚交界地方將高二馬五王廷詔擒獲卽行齎  
割致祭前被戕害之提鎮各大員若臨陣殲斃亦  
當割取首級祭奠以慰忠魂而洩衆憤並將此股  
賊匪悉數殲除不得僅以擒獲首逆卽爲成功總  
以去疾務盡爲要此事已遲至五年之久早完一  
日百姓早受福一日然不可草率苟且又留遺孽

捷音一到必將慶溥等優加獎擢此朕所昕又企  
望者卽或不能剿盡不得已亦當將高二馬五王  
廷詔逼入川境長齡卽可帶領勁兵緊躡賊蹤與  
川省大兵合力剿辦現在竹谿西面河一帶雖有  
倭什布明亮等在彼防堵皆不足恃若一經折回  
楚境又致蔓延棘手額勒登保不可不飭知慶溥  
等上緊剿盡仰邀恩眷也至此次漢江以北祇有





以少勝衆等語所辦俱合機宜並稱面晤慶成已  
一一告知慶成前在川省剿賊遲延經朕棄瑕錄  
用伊近來屢次帶兵打仗甚屬出力前已加恩賞  
給三品翎頂簡任總兵現在定住舊傷復發着卽  
緩程來京陛見所有固原提督着慶成兼署並加  
賞二品頂戴額勒登保赴川會剿後恐川境各賊  
又思他竄所有川陝楚毗連各處防堵尤宜嚴密



俟經畧入川後所留陝甘兵三萬名俱歸慶成節制一切安營設卡周歷巡防各事宜著慶成隨時布置轉飭各路卡隘防守嚴密若遇賊匪竄近能卽行截回無論何處員弁之功皆慶成之功若稍有疎懈致竄匪闖入陝境無論何處員弁之罪皆慶成之罪以專責成再觀祥等在畧陽所剿零星賊匪何以尙未辦淨並著額勒登保嚴行飭催毋

任稍有延玩其押解餉銀遇賊被害之候補縣丞

崔立楷著咨部賜卹